

Ni Pangulong Thomas S. Monson



Sundon ang mga Propeta

Nagserbe ako sa Navy sang Estados Unidos sang manugtapos na ang Ika-Duhang Inaway Pang-kalibutanon. Isa ako ka seaman, ang pinakanubo nga rangko sa navy. Dayon nabaton ako bilang Seaman First Class, pagkatapos sini nabaton ako bilang Yeoman Third Class.

Natapos ang Ika-duhang Inaway Pang-kalibutanon, kag sang ulihi naggwa ako sa serbisyo. Pero nagdesisyon ako nga kon magbalik gid man ako sa militarya, gusto ko magserbe bilang isa ka opisyal. Napensar ko, "Indi na ako mangluto, indi na ako manguskos sang salog, kon malikawan ko man lang."

Sang maggwa ako sa serbisyo, nagbuylog ako sa Naval Reserve sang Estados Unidos. Nagaupod ako sa drill kada Lunes sang gab-i. Nagtuon ako sing maayo agud mabaton ang mga grado ko. Ginkuha ko ang tanan nga eksaminasyon nga pwede kuhaoen: mental, pisikal, kag emosyunal. Sang ulihi, nag-abot ang maayong balita: "Nakapasar ikaw nga magbaton sang rangko sang isa ka opisyal sa Naval Reserve sang Estados Unidos."

Malipayon ko ini nga ginpakita sa akon asawa nga si Frances, kag nagsiling, "Nabaton ako! Nabaton ako!" Ginhakos niya ako kag nagsiling, "Ginpangabudlayan mo ina katama para makuba mo."

Pero may natabo pagkatapos sina. Gintawag ako nga mangin isa ka manuglaygay sa bishopric sa akon ward.

Ang miting sang konseho sang bishop pareho man sa gab-i sang akon miting sa navy drill. Kadako gid nga komplikto. Nahibaluan ko nga wala ako sing tiyempo nga tungdan ang akon mga katungdanan sa Naval Reserve *kag* sa bishopric. Anong himuong ko? Kinahanglan ko magdesisyon.

Nagpangamuyo ako parte sini. Dayon nakigkita ako sa tawo nga stake president ko sang bata pa ako, si Elder Harold B. Lee (1899–1973), nga sang amo nga tion yara sa Korum sang Napulo'g Duha ka mga Apostoles. Nagpungko ako sa iya atubang. Ginsugiran ko sia kon daw ano ka bilidhon para sa akon ang amo nga tawag. Sa matuod, ginpakita ko sa iya ang kopya sang sulat sang pagtawag nga nabaton ko.

Matapos binagbinagon ang amo nga butang sing makadali, ginsilingan niya ako, "Amo ni ang dapat mo himuong Brother Monson. Sulatan mo ang Bureau of Naval Affairs kag silingon sila nga tungod sang imo katungdanan bilang miyembro sang bishopric, indi mo mabaton inang tawag sa Naval Reserve sang Estados Unidos."

Nadismaya ako. Dugang niya, "Dayon sulati ang komandante sang Twelfth Naval District sa San Francisco kag silinga sila nga gusto mo mag-untat sa serbisyo."

Siling ko, "Elder Lee, wala mo maintyendihi ang militarya. Siyempre indi na ko nila tanyagan sinang tawag kon balibaran ko ini, pero indi ako pagbuy-an sang Twelfth

Naval District. Tungod sang giyera sa Korea, magakuha sila sang indi komisyunado nga opisyal. Kon pabalikon ako, mas gusto ko magbalik bilang isa ka komisyunado nga opisyal, pero indi na ina matabo kon indi ko pagbuton ining tawag. Amo gid bala ini ang laygay nga gusto mo ihatag sa akon?"

Ginbutang ni Elder Lee ang iya kamot sa akon abaga kag daw amay nagsiling, "Brother Monson, magtuo pa gid. Ang militarya indi para sa imo."

Nagpauli ako. Ginbalik ko sa sobre ang nasamayan-sang-luha nga tawag upod sang nalakip nga sulat kag wala ini ginbaton. Dayon nagsulat ako sa Twelfth Naval District kag nangayo nga maggwa gikan sa Naval Reserve.

Ang paghalin ko sa Naval Reserve kaupod sa pina-kaulihi nga grupo nga ginproseso antes magsugod ang Giyera sa Korea. Ang akon grupo nangin aktibo. Anum ka semana matapos nga gintawag ako nga manuglaygay sa bishopric, gintawag ako nga mangin bishop sa akon ward.

Indi ko makaptan ang posisyon nga ginakaptan ko sa Simbahan karon kon wala ko ginsunod ang laygay sang isa ka propeta, kon wala ako magpangamuyo parte sina nga desisyon, kon wala ko gin-apresyar ang isa kaimportante nga kamatuoran: ang kaalam sang Dios sa masami daw kabuangan sa panulok sang tawo.¹ Pero ang isa nga pinakadako nga leksyon nga matun-an naton sa kabuhi amo nga kon maghambal ang Dios kag magsunod ang Iya mga anak, mangin husto gid sila pirme.

Ginasiling nga ang kasaysayan nagaliso sa magagmay nga mga bisagra kag amo man ang aton mga kabuhi. Ang mga desisyon nagadikta sang kapalaran. Pero wala kita ginapabay-an sa aton mga desisyon.

Kon gusto ninyo nga makita ang kasanag sang langit, kon gusto ninyo mabatyagan ang inspirasyon sang Makagagahum nga Dios, kon gusto ninyo mabatyagan sa inyo dughan nga ginagiyahan kamo sang inyo Amay nga Langitnon, sunda ang mga propeta sang Dios. Kon sundon ninyo ang mga propeta, mangin yara kamo sa hilway nga lugar.

TANDA

1. Tan-awa sa 1 Mga Taga-Corinto 2:14

PAGTUDLO GIKAN SA SINING MENSAHE

Indi madamo nga mga miyembro sang Simbahan ang makabaton sang direkta nga laygay halin sa isa ka Apostoles pareho kay Pangulong Monson. Pero sarang kita gihapon mabugayan samtang ginasunod naton ang mga pinanudlo sang mga propeta kag mga apostoles. Pamensara ang pagbasa sang mga pamulong-pulong ni Pangulong Monson gikan sa nagligad nga pang-kabilugan nga komperensya (panumduma man ang iya pangbukas kag panghingapos nga pamulong-pulong). Pangitaa ang pat-od nga mga direksyon ukon panawagan nga himuong. Mahimo ninyo hambalan kon ano ang inyo natun-an upod sadtong inyo ginabisitahan kag binag-binagon ang mga paagi agud sundon ang laygay ni Pangulong Monson.

LAMHARON

Laygay para sa Mabudlay nga mga Pagpili

Si Pangulong Henry B. Eyring, Unang Manuglaygay sa Unang Panguluhan, nagsugid parte sa tion nga ginsunod niya ang laygay sang propeta. Sa isa ka pang-kabilugan nga komperensya, si Pangulong Ezra Taft Benson (1899–1994) naglaygay sa mga miyembro nga maglikaw sa pagpangutang—labi na gid ang utang sa propyedad.

Si Pangulong Eyring nagsiling: "Ginsugilanon ko ang akon asawa pagkatapos sang miting kag namangkot, 'May paagi ayhan nga mahimo naton ina?' Sang primera indi namon masarangan." Pero sang sina nga gab-i ginpamensar niya ang isa ka propyedad nga ginabudlayan sila sa pagbaligya sa sulod sang madamo nga tinuig. "Nagsalig kami sa Dios kag . . . sa mensahe sang Iya alagad, [gani] nagtawag kami sa telepono. . . . Nabatian ko ang isa ka sabat nga tubtob subong naga-pabakod sang akon pagsalig sa Dios kag sa Iya mga alagad." Sina mismo nga adlaw isa ka tawo ang nagtanyag sang bili para sa proyedad sang mga Eyring

nga mas dako pa sangsa iya utang. Wala madugayi nangin hilway sa utang ang mga Eyring (tan-awa sa "Trust in God, Then Go and Do," *Liahona*, Nob. 2010, 72–73).

Mahimo nga wala kamo sing balayran nga propyedad, pero ang laygay sang propeta sarang makagiya sa inyo sa karon sa tunga sang mabudlay nga mga desisyon parte sa trabaho, edukasyon, isa ka misyon, kag pagpakigrelasyon. Hambali upod sa inyo pamilya kag mga abyan kon paano ninyo masunod ang propeta kon maghimo kamo sang mga desisyon.

© 2015 iya sang Intellectual Reserve, Inc. Tanan nga kinamatarong ginahuptan. Ginbalhag sa Pilipinas. Petsa sang pagtugot sa Ingles: 6/14. Petsa sang pagtugot sa paglubad: 6/14. Paglubad sang *First Presidency Message, Enero 2015*. Hiligaynon. 12581 861



Ang mga Kinaiya ni Jesucristo: Matinumanon nga Anak

Tun-i sing mainampuon ining materyal kag magpangamuyo agud mahibaloan kon ano ang ipaambit. Paano ang paghangop sa kabuhi kag katungdanan sang Manluluwas makapadugang sang inyo pagtuo sa Iya kag magabugay sa ila nga inyo ginabantayan paagi sa visiting teaching? Para sa dugang nga impormasyon, maglog-on sa reliefsonociety.ids.org.

Pagtuo, Pamilya, Bulig

Kabahin ini sang sunod-sunod nga mga Mensahe sa Visiting Teaching nga nagapakita sang mga kinaiya sang Manluluwas.

Ang pagsunod sa halimbawa ni Jesucristo nagapadugang sang aton pagtuo sa Iya. “Katilingalahang bala,” siling ni Elder Jeffrey R. Holland sang Korum sang Napulo’g Duha ka mga Apostoles, “nga si Cristo una sa tanan nagpili nga ilaragway ang iya kaugalingon nga may kaangtanan sa iya relasyon sa iya amay—nga palangga niya sia kag nagatuman sa iya kag naga-paidalom sa iya kasubong sang tumpad nga anak katulad niya? . . . Ang pagkamatinumanon *amo* ang naunaunang layi sang langit.”¹

Ang balaan nga mga kasulatan nagatudlo nga “kon kita makabaton sang bisan ano nga bugay gikan sa Dios, ini tungod sa pagtuman sinang layi kon sa diin ini naangot” (tan-awa sa D&C 130:21). Ang aton espirituhanon nga pagtubo nagakatabo samtang nagpalapit kita sa Dios paagi sa pagkamatinumanon kag pag-agda sang gahum sang Pagpasag-uli sang Manluluwas sa aton mga kabuhi.

“Samtang nagalakat kita nga masinulundon sa mga prinsipyo kag kasuguan sang ebanghelyo ni Jesucristo,” siling ni Elder D. Todd Christofferson sang Korum sang Napulo’g Duha ka mga Apostoles, “mabaton naton ang dalayon nga pagtubod sang mga bugay nga gin-saad sang Dios sa Iya pangako sa aton. Inang mga bugay nagahatag sang mga kinahanglanon naton agud makagihohimbas nga pagagihohan samtang nagapangabuhî kita sa kalibutan. . . . Ang pagkamatinumanon nagahatag sa aton sing mas dako nga kontrol sa aton mga kabuhi, mas dako nga kapasidad nga makagihohilway, sa paghimo kag pagtuga.”²

Dugang nga Balaan nga mga Kasulatan

Lucas 22:41–46; Doctrine and Covenants 82:10; 93:28

Gikan sa Balaan nga mga Kasulatan

“Mahimo bala nga ang espirituhanon nga kusog nga nagresulta gikan sa tayuyon nga pagkamatinumanon sa mga kasuguan mapasa

sa lain nga tawo?” pamangkot ni Elder David A. Bednar sang Korum sang Napulo’g Duha ka mga Apostoles. “Ang maathag nga sabat . . . amo nga indi.”³

Ang paanggid sang napulo ka mga dalaga isa ka halimbawa sining prinsipyo. Samtang ang tanan nga dalaga nagdala sang iya mga suga sa “pagsugat sa nobyo,” lima lang ang nangin maalam kag nagdala sing lana para sa ila mga suga. Ang nabilin nga lima mga buang-buang tungod “wala sila magdala sing lana.”

Dayon sa tunga sang kagabihon may isa ka sininggit: “Yari karon, tang nobyo; Gwa kamo sa pagsugat sa iya.” Ang tanan nga dalaga nag-aman sang ila mga suga, pero ang mga buang-buang nga mga dalaga wala na sing lana. Nagsiling sila sa maalam nga mga dalaga, “Hatagi kami sang inyo lana, kay nagakapalong ang amon mga suga.”

Ang maalamon nga mga dalaga nagsabat, “Basi indi ini mag-igo sa amon kag sa inyo; maayo pa magkadto kamo . . . kag magbakal nga sa inyo kaugalingon.”

Kag samtang wala ang buang-buang
nga mga dalaga, nag-abot ang
nobyo kag ang maalamon nga mga
dalaga nag-upod sa iya kag “gin-
takop ang ganhaan”

(Mateo 25:1-13).

MGA TANDA

1. Jeffrey R. Holland, “The Will of the Father in All Things” (Brigham Young University devotional, Ene. 17, 1989), 4, *speeches.byu.edu*.
2. D. Todd Christofferson, “The Power of Covenants,” *Liahona*, Mayo 2009, 21.
3. David A. Bednar, “Converted unto the Lord,” *Liahona*, Nob. 2012, 109.

Binagbinaga Ini

Ano ang pila sa mga halimbawa
sang pagkamatinumanon sa balaan
nga mga kasulatan?

© 2015 iya sang Intellectual Reserve, Inc. Tanan
nga kinamataramg ginahuptan. Ginbalhag sa
Pilipinas. Petsa sang pagtugot sa Ingles: 6/14.
Petsa sang pagtugot sa paglubad: 6/14. Paglubad
sang *Visiting Teaching Message, Enero 2015*.
Hiligaynon. 12581 861